



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Enchiridion Sev Manuale Episcoporum Pro Decretis in  
Visitatione, & Synodo, de quacumque re condendis.**

**Gavanti, Bartolommeo**

**Venetiis, 1650**

Locorum piorum cura.

**urn:nbn:de:hbz:466:1-9534**

de potest. Episcop. alleg. 7. num. 5.

- 2 Quæ nondum plene habuerunt suum effectum, data à quocumque, possunt à successore reuocari. *Rebuff. arg. cap. si qua de rebus 12. quest. 2.*

*Litteræ testimoniales ordinum.*

- 1 **D**Entur eodem modo, quo dimissoria, & sub eisdem pœnis Trident. *sess. 21. cap. 1.*
- 2 Si in litteris plurium ordinum mentio fiat, Notarij tamen ne vltra decimam auri partem accipiant. *Prou. 3.*
- 3 Si perdantur neque possint probari per se testes, delato iuramento in subsidium, non erit veritum concedere dimissorias ad alios ordines. *Congregat. Episcop. 4. May 1604. apud Naldum Ordo numer. 15.*
- 4 Obteno rescripto Apostolico pro recipiendis ordinibus à quocumque Episcopo, necessariae sunt litteræ testimoniales proprij Ordinarij de vita, & moribus alias incurritur suspensio ab executione ordinum, & à collatione per annum ab ordinante. *Tolet. lib. 1. cap. 29. num. 4.*
- 5 Nisi in eodem rescripto (quod solet fieri) concedatur, inconsulto Ordinario proprio.

**A D D I T I O.**

- 1 **L**itteris testimonialibus Regulatum, in quibus sit testimonium de ordine præcedenti suscepto, est adhibenda fides. *Mascard. de probat. concl. 1145. in fine.*
- 2 Litteræ testimoniales de vita & moribus dandæ ordinandis extra tempora, si desint recipienti primam tonsuram, nõ incurrit suspensio, decisum refert *Tolet. lib. 1. cap. 49. num. 4.*

*Locorum piorum cura.*

- 1 **L**Oca pia sunt ea, quæ auctoritate Episcopi fundata sunt Sylu. *V. Loca. quest. 4.*
- 2 Regulæ certæ constituantur ad pietatem aptæ tum à præfectis, & ministris, tum à pauperibus obseruandæ maximè precandi certis horis, & doctrinæ Christianæ tradendæ. *Prouinc. 5.*
- 3 Tollantur commestationes, quæ pietatis specie fieri solent à sodalitatibus, & cæteribus diebus festis, proposita pœna. *Prou. 1.*
- 4 Bona locanda publicè proponantur facta omnibus cõducendi potestate. *ib.*
- 5 Exceptis debitoribus loci. *ibid.*
- 6 Conductores dent idoneos fideiussores. *ibid.*
- 7 Quæ loca pia non sunt instituta ad pecuniam mutuò dandam, eorum administratores ne vlla causæ specie cui quæ, nec etiam vniuersitati loci, aut vicinijs dent mutuo. *Prouinc. 2.*
- 8 Si dederint, aut ipsimet acceperint, statim amoti sint, & per sex annos nullius pij loci administratione sint digni. *ibidem.*
- 9 Præfectus eorum locorum, qui huic rei consenserit, excommunicationis subeat pœnam. *ibid.*
- 10 Collectæ fieri possunt semel in mense, & in quatuor anni temporibus, pro ijs, qui præ pudore ostia im mendicare nõ audent. *Prou. 4.*
- 11 Oblationes loco pio fiant sine musicis instrumentis excepto organo. *Prouinc. 2.*
- 12 Quæstores sint eiusdem Diœcesis, bonæ estimationis, & famæ, neque ex eorum numero, quos Concil. Trident. damnat. *Prou. 1.*
- 13 Non cedant quæsitæ loco pio extra Diœcesim; officium fiat gratis, vel certa mercede statuta. *ibid.*
- 14 Nullo modo sint participes eleemosynarum. *ibid.*
- 15 Puellæ non quaritent. *Prou. 2.*
- 16 In erogandis eleemosynis alendisque pauperibus testatorum voluntates adimpleantur, cum testimonio Parochorum, consilioque, & aliorum piorum virorum. *Prou. 4.*
- 17 Distributiones omnes notentur in libro distinctè. *ibid.*
- 18 Qui malè distribuerit, ei pœna sit dupli restitucio, & grauior, arbitrio Episcopi. *ibid.*
- 19 Administratores tenentur quotannis reddere rationem administrationis Ordina-

- dinario. Trident. *sess. 22. cap. 9.*
- 20 Nisi sint sub immediata protectione Regum. *idem ibid. cap. 8.*
- 21 Neque si secus in fundatione expressè caueatur. *idem ibid. cap. 9.*
- 22 Si alijs deputatis reddenda est ratio, cum ijs adhibeatur etiam Ordinarius, & aliter factæ liberationes sunt nullæ. *idem. ibid.*
- 23 Et hoc decretum locum habet etiam extra visitationem, & in casibus à iure non expressis. *decisum refert Marta de iurisd. par. 2. cap. 18. num. 6.*
- 24 Plures in anno potest Episcopus exigere rationem administrationis locorum piorum, quando illi constat de dolo, vel errore. *Barbos. alleg. 81. num. 40.*
- 25 Executio contra administratores condemnatos spectat ad Ordinariū, siue ipsi soli, siue ipsi cum alijs deputatis ratio sit reddita. *Trid. sess. 22. cap. 8.*
- 26 Qui sunt debitores loco pio, non possunt esse procuratores, syndici, aut ministri eiusdem. *Prou. 1.*
- 27 Potest Episcopus reseruare sibi facultatem reformandi, & augendi, etiam extra visitationem, decreta edita in visitatione Montis, pietatis, & locorum piorum, *decisum refert Nald. visitare num. 13. V. Visitatio Episcopi numer. 58.*

ADDITIO.

- 1 Hospitalia administratas à fratribus B. Io. Dei non sunt exempta à iurisdictione ordinarij, nisi solum quoad regularem obseruantiam. *Cong. Conc. 12. Ianuar. 1630.*
- 2 Probatio, An loca pia sint sub immediata Regum protectione, iudice Episcopo, facienda est, *decisum referunt DD. apud Barb. de iure Eccl. l. 2. c. 11. n. 63.*

Ludimagistri.

- 1 Idei professionem emittant. *Prouinc. 3.*
- 2 Lectores Philosophi principia, vel conclusiones auctorum contra fidem confutent. *Leo X. Anno 1513.*
- 3 Vbi Theologia lectio haberi nequit, saltem habeatur magister ad Episcopo cum consilio Capituli eligendus, qui

Barth. Gauant.

- clericos, aliosque pauperes grammaticam gratis doceat. *Trid. sess. 5. cap. 1.*
- 4 Eidem vel beneficium simplex, seu fructus eiusdem assignentur, quamdiu in docendo perstiterit: vel ex mensa capitulari, seu Episcopali, vel alia ratione merces tribuatur. *ibidem.*
- 5 Licentia, quæ datur ab Episcopo, docendi pueros, ne detur ultra triennium, vt fiat recognitio magistri. *Prouinc. 5.*
- 6 Doceant enim fidei rudimenta, & diebus festis, nullo alio doctrina genere pueros instruant. *Prou. 3.*
- 7 Ne interpretentur libros vetitos, aut obscena continentes. *ibid.*
- 8 Quotidianas exercitationes inchoent, & concludant pia prece. *Prouinc. 5.*
- 9 Ideoque sacra imago in gymnasio appendatur. *ibid.*

Matrimonij denunciationes.

- 1 **C**Aueantur, ne pro denunciationibus faciendis interrogentur sponsi presentes de presenti, sed de futuro matrimonio. *Prou. 5.*
- 2 Fiant à Parocho proprio tribus continuis diebus festiuis inter Missarum solemnias. *Trid. sess. 24. capitulo 1.*
- 3 Possunt fieri eo tempore quo nuptiæ prohibentur. *Congr. Episcop. 12. Decembr. 1589.*
- 4 Fiant in festis de Præcepto. *Prou. 1.*
- 5 Non potest Episcopus dispensare, vt fiant in ferialibus diebus. *decisum referunt DD. apud Barbos. de pot. Episc. alleg. 32. num. 14.*
- 6 Posse fieri in magno concursu hominum ad Ecclesia in die pro festo, docet Sanchez *lib. 3. disp. 6. num. 9. 10.*
- 7 Imò, & extra Ecclesiam *idem ibidem.*
- 8 Sed in festis de præcepto, & in Ecclesia, intra Missam, ait *Trid.*
- 9 Fiant vbi habitus est consensus vtriusque, & parentum, & in diuersis Parochijs, vbi habitant. *Prouinc. 3.*
- 10 Denunciationes inter vicinos, quorum alter inter hæreticos habitat, ne fiant in consueto Episcopo. *Prouinc. 2.*
- 11 Eodem modo, si de vagis hominibus agatur. *ibid.*
- 12 Omittens Parochus ex propria auctoritate denunciationes suspensus

1 est